



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 18. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2017. GODINU SNAGE EKONOMSKOG POKRETA U BIH

Broj: 03-07-6-188/19
Sarajevo, 17.07.2019. godine

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS REVIZIJE.....	5
Predmet revizije.....	5
Cilj revizije.....	5
Obim revizije.....	5
4. PRETHODNE KONTROLE I REVIZIJE.....	5
5. NALAZI I PREPORUKE REVIZIJE.....	5
5.1 NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansiranja političkih stranaka (u daljem tekstu: Služba za reviziju) izvršila je reviziju godišnjeg finansijskog izvještaja Snage ekonomskog pokreta u Bosni i Hercegovini za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo izvršili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garanciju da je stranka postupala u skladu sa odredbama Zakona o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Revizijom godišnjeg finansijskog izvještaja za 2017.godinu, utvrđeno je da je Snaga ekonomskog pokreta u Bosni i Hercegovini prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Prema našem mišljenju, osim navedenog, revidirani finansijski izvještaj ukazuje da je Snaga ekonomskog pokreta u Bosni i Hercegovini u 2017. godini postupala u skladu sa odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je reviziju finansijskog izvještaja Snage ekonomskog pokreta u Bosni i Hercegovini za 2017. godinu.

Revizija je preduzeta u skladu sa članom 10. stav (1) Zakona o finansiranju političkih stranaka, članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka. Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2017. godinu, Snaga ekonomskog pokreta u Bosni i Hercegovini se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	336,00	77,07
8.	Prihodi od propagande (3-g)	0,00	0,00
I	Ukupni prihodi (1-8)	336,00	77,07
II	Ostali prihodi i drugo	100,00	22,93
	Izvori finansiranja (I+II)	436,00	100,00

U godišnjem finansijskom izvještaju stranka je iskazala rashode u ukupnom iznosu od 3.013,50 KM.

2. PREDSTAVLJANJE POLITIČKE STRANKE

Naziv političke stranke je Snaga ekonomskog pokreta u Bosni i Hercegovini. Skraćeni naziv stranke je SEP u BiH.

Politička stranka, pod nazivom Novi ekonomski pokret u BiH je registrovana 09.03.2010. godine kod Općinskog suda Tuzla i u sudski registar upisana pod brojem: 032-0-Reg-10-000231.

Rješenjem Općinskog suda u Sarajevu, broj: 065-0-F1-11-000009 od 26.04.2012. godine, promijenjen je naziv političke stranke, sjedište stranke i imenovano je novo lice za njeno zastupanje i predstavljanje. Stranka je u registar suda upisana pod nazivom Snaga ekonomskog pokreta u Bosni i Hercegovini, sa sjedištem u Sarajevu, ulica Čekaluša broj 1.

Rješenjem Općinskog suda u Tuzli broj: 032-0-Reg-18-001276 od 23.08.2018. godine, izvršena je izmjena sjedišta i lica ovlaštenog za zastupanje stranke, tako da je novo sjedište stranke u Gradačcu, ul. Husein Kapetana Gradašćevića bb, dok je lice koje zastupa političku organizaciju Golać Jusuf.

Lice ovlašteno za zastupanje i predstavljanje političke stranke u 2017. godini je Fadil Čerimagić, predsjednik stranke.¹

Lice ovlašteno za podnošenje finansijskih izvještaja za 2017. godinu je, također, Fadil Čerimagić.²

¹ Od 23.08.2018. godine, predsjednik stranke je Jusuf Golać.

² Od 23.08.2018. godine, ovlašteno lice za podnošenje finansijskih izvještaja je Jusuf Golać.

U godišnjem finansijskom izvještaju za 2017. godinu, Snaga ekonomskog pokreta u Bosni i Hercegovini je navela da pored središnjeg ureda stranke u Sarajevu ima Općinski odbor stranke u Gradačcu.

3. OPIS REVIZIJE

Predmet revizije je godišnji finansijski izvještaj Snage ekonomskog pokreta u Bosni i Hercegovini za 2017. godinu.

Cilj revizije je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je Snaga ekonomskog pokreta u Bosni i Hercegovini u izvještajnom periodu postupala u skladu sa odredbama Zakona o finansiranju političkih stranaka.

Obim revizije finansijskog izvještaja Snage ekonomskog pokreta u Bosni i Hercegovini, koji obuhvata kontrolu finansijske dokumentacije i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled godišnjih finansijskih izvještaja ove političke stranke u periodu od 2010. do 2016. godine, nakon kojih je izdala izvještaje o pregledu sa mišljenjem revizora, nalazima revizije i preporukama stranci.

Nakon obavljenog pregleda godišnjeg finansijskog izvještaja za 2016. godinu, izdat je izvještaj o pregledu sa mišljenjem revizora, nalazima revizije i preporukama političkoj stranci: da poslovne knjige vodi u skladu sa računovodstvenim propisima, da uspostavi potpune i tačne evidencije o svojim prihodima i rashodima, da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i da blagajničko poslovanje uspostavi u skladu sa važećim propisima i načelima blagajničkog poslovanja.

Nerealizovane preporuke:

Na osnovu uočenih nedostataka u godišnjem finansijskom izvještaju za 2017. godinu, utvrđeno je da Snaga ekonomskog pokreta u BiH nije ispoštovala date preporuke.

5. NALAZI I PREPORUKE REVIZIJE

5.1 NALAZI

Snaga ekonomskog pokreta u Bosni i Hercegovini prekršila je odredbe člana 11. stav (1)³ i odredbe člana 12. stav (1)⁴ i (4)⁵ Zakona o finansiranju političkih stranaka.

Na osnovu obavljene revizije godišnjeg finansijskog izvještaja i dodatne dokumentacije, utvrđeno je da Snaga ekonomskog pokreta u Bosni i Hercegovini nije uspostavila potpune i tačne evidencije o svojim prihodima i rashodima i nije dostavila godišnji finansijski izvještaj u zakonom propisanom roku, niti je godišnji finansijski izvještaj popunila u skladu sa odredbama Pravilnika o godišnjim finansijskim izvještajima političkih stranaka-u daljnjem tekstu: Pravilnik, čime su prekršene odredbe člana 11. stav (1) i člana 12. stav (1) i (4) Zakona o finansiranju političkih stranaka.

³ Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

⁴ Politička stranka vodi evidenciju o svojim prihodima i rashodima.

⁵ Do 31.03. naredne godine politička stranka podnosi finansijski izvještaj u formi koju odobri Centralna izborna komisija BiH.

- (1) Centralna izborna komisija BiH je 15.02.2018. godine, obavijestila stranku o obavezi dostavljanja godišnjeg finansijskog izvještaja za 2017. godinu. Kako stranka nije dostavila izvještaj u ostavljenom roku, stranci je poslata urgencija, broj: 03-07-6-153-2/18 od 03.05.2018. godine da dostavi godišnji finansijski izvještaj za 2017. godinu. Kako stranka ni nakon urgencije nije dostavila godišnji finansijski izvještaj za 2017. godinu, Služba za reviziju je najavila reviziju na terenu u prostorijama ove političke stranke.

Uvidom u službene evidencije utvrđeno je da je stranka godišnji finansijski izvještaj sa svim obrascima podnijela u elektronskoj formi putem aplikacije „FI CIK BIH” dana 13.05.2019. godine, te odštampane obrasce godišnjeg finansijskog izvještaja za 2017. godinu dostavila Centralnoj izbornoj komisiji BiH dana 20.05.2019. godine.⁶

Snaga ekonomskog pokreta u Bosni Hercegovini je godišnji finansijski izvještaj podnijela u elektronskoj formi putem aplikacije „FI CIK BIH”, koju je razvila Centralna izborna komisija BiH, nakon zakonom propisanog roka, čime je prekršila odredbe člana 12. stav (4) Zakona o finansiranju političkih stranaka.

- (2) Stranka je na obrascu 3 (izvori finansiranja) finansijskog izvještaja iskazala ukupne prihode u iznosu od 436,00 KM, i to prihode iz budžeta u iznosu od 336,00 KM i ostale prihode u iznosu od 100,00 KM. Kontrolom prometa valutne kartice transakcionog računa broj: 1321002008639730 otvorenog kod NLB banke, utvrđena je uplata Ministarstva finansija i trezora BiH u iznosu od 100,00 KM, a radi se povratu takse za ovjeru učešća na Lokalnim izborima 2016. godine. Navedeni povrat takse, stranka je u finansijskom izvještaju pogrešno iskazala kao ostali prihod stranke, odnosno iskazala je prihod koji nije ostvarila, čime je prekršila odredbe člana 12. stav (1) i (4) Zakona i odredbe člana 13. Pravilnika.

- (3) Na obrascu 4.2 (troškovi propagande) stranka je iskazala troškove propagande za općinski odbor u Gradačcu u iznosu od 1.500,00 KM.

Kontrolom prometa transakcionog računa općinskog odbora stranke u Gradačcu broj: 1321902012122567 otvorenog kod NLB banke, utvrđeno je plaćanje troškova propagande pravnom licu d.o.o. „FASELL“ u iznosu od 1.500,00 KM po računu iz 2016. godine.

Navedene troškove stranka je trebala evidentirati u momentu nastanka tj. u poslovnim knjigama za 2016. godinu, a ne u momentu plaćanja računa.

Na osnovu navedenog, utvrđeno je da su ukupni troškovi stranke evidentirani u poslovnim knjigama i iskazani u finansijskom izvještaju za 2017. godinu u većem iznosu od ostvarenih za 1.500,00 KM, odnosno obrasci 4. (rashodi političke stranke) i 4.2 (troškovi propagande) finansijskog izvještaja nisu popunjeni u skladu sa odredbama člana 21. i 23. Pravilnika.

5.2. PREPORUKE

Preporučuje se Snazi ekonomskog pokreta u Bosni i Hercegovini da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da poslovne knjige vodi u skladu sa računovodstvenim propisima, odnosno da vodi pravilne evidencije o prihodima i rashodima,***
- ***da finansijske izvještaja dostavlja u zakonom propisanom roku i***
- ***da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.***

⁶ U svojoj obavijesti od 06.05.2019. godine, stranka obavještava CIK BIH o razlozima u vezi kašnjenja dostave godišnjeg finansijskog izvještaja, a odnose se na bolest bivšeg predsjednika stranke gosp. Fadila Čerimagića, promjena sjedišta stranke i prenos dokumentacije iz Sarajeva u Gradačac, preregistracija stranke sa novim sjedištem i ovlaštenim licem za zastupanje stranke i dr.

KOMENTAR

U ostavljenom roku, stranka nije se očitovala na nalaze revizije i mišljenje revizora dato u Preliminarnom izvještaju o reviziji godišnjeg finansijskog izvještaja za 2017. godinu.

Šef Odsjeka za revizijske poslove
Sanja Tošović

šef Službe za reviziju
Mr. sc. Hasida Gušić

Revizor
Nevenko Andan

Pomoćnik revizora
Mr.sc. Goran Cicović